



**Drugi sastanak Radne grupe o Novom UN okviru za biološku raznolikost poslije 2020. godine**  
**Rim (Italija)**

Preko 1000 delegata iz preko 140 zemalja u ponedjeljak, 24. februara 2020. započelo je pregovore u sjedištu UN Organizacije za hranu i poljoprivredu (FAO) u Rimu, Italija, o „nultom“ nacrtu globalnog okvira biološke raznolikosti nakon 2020. i ciljeva za prirodu do 2030. godine. Sastanak Radne grupe će trajati do 29. februara 2020. a organiziran je kroz niz radnih grupa i sastanaka na kojima će se razmatrati ključna pitanja i smjernice za biodiverzitet.

Ispred Bosne i Hercegovine na ovom sastanku sudjeluje prof. dr. Mehmed Cero, pomoćnik ministra za okoliš u Federalnom ministarstvu okoliša i turizma - nacionalna fokal tačka Bosne i Hercegovine za Konvenciju o biološkoj raznolikosti



*Otvaranje plenarnog zasjedanja u Rimu, Italija, ponedjeljak, 24. februara 2020. godine*

Novi će okvir i smjernice za očuvanje biodiverziteta i okoliša razmotriti 196 stranaka Konvencije o biološkoj raznolikosti (CBD) na Konferenciji UN-a o biološkoj raznolikosti 2020. (CBD COP15), koja treba da se održi u Kunmingu, Kina, od 15. do 28. oktobra 2020. godine.

„Ne mogu naglasiti važnost dogovora na ovom sastanku. Poticat ću stranke da pokrenu i unaprijede pregovore s naglaskom na izgradnji zajedničkog razumijevanja različitih elemenata globalnog okvira biološke raznolikosti nakon 2020. ali i na razvijanje ključnih ciljeva okvira“, rekla je Elizabeth Maruma Mrema, vd. izvršni sekretar CBD-a. Ona je u svom izlaganju naglasila „Znam da svijet s nestrpljenjem čeka demonstrativni napredak prema jasnom, djelotvornom i transformativnom globalnom okviru za biološku raznolikost. Žele okvir koji se može primijeniti na svim razinama, naime na globalnoj, regionalnoj razini, nacionalnoj i nižim razinama. Svi želimo okvir koji se nadovezuje na postojeći Strateški plan za biološku raznolikost 2011. - 2020. i prateće Aichi ciljeve o biološkoj raznolikosti i okvir koji je usklađen s Agendom za održivi razvoj 2030.“

Prije gotovo 10 godina, na 10. sastanku Konferencije stranaka (COP10) Konvencije o biološkoj raznolikosti, održanom u Nagoji, Japan, 2010. godine, usvojen je Strateški plan za biološku



raznolikost 2011.-2020., sa jasno definisanom vizijom i ciljevima „Živjeti u harmoniji s prirodom do 2050. godine“. Mnogi elementi Aichi ciljeva biološke raznolikosti ogledaju se u ciljevima održivog razvoja Ujedinjenih naroda (2015-2030).

Kako se približava kraj razdoblja predstavljenih kroz Aichi ciljeve biološke raznolikosti, na 14. sastanku CBD-a Konferencije stranaka (COP14), održanog u novembru 2018. u Sharm-el-Sheikhu, Egipat, Stranke su se složile da osnuju Radnu skupinu Globalnog okvira za biološku raznolikost nakon 2020. godine.

Na prvom sastanku Radne skupine u Nairobiju, u augustu 2019., Radna grupa je se dogovorila oko okvira i sadržaja teksta „nula nacrt“ globalnog okvira biološke raznolikosti nakon 2020. godine. Tekst nacrtu ovog dokumenta je objavljen 13. januara 2020. i trenutno se razmatra na ovom važnom sastanku Rimu. (Nacrt teksta dostupan je na svih šest jezika UN-a na <http://bit.ly/CBD-0Draft-UNlanguages>).

Ovaj početni „nulti“ nacrt zasnovan je na opsežnim savjetovanjima, savjetima vlada, naučnika, lokalnih zajednica, nevladinih organizacija i drugih, prikupljenih kroz desetak sastanaka i stotine pisanih prijava. Posebno je bitno naglasiti da je ovaj dokument razvijen kao odgovor na globalnu procjenu Međuvladine platforme za naučnu politiku o bioraznolikosti i uslugama ekosustava (IPBES) za 2019. godinu koja upozorava na prijetnju izumiranju milijon biljnih i životinjskih vrsta.

„Predloženi okvir prepoznaje da je potrebno globalno, regionalno, nacionalno i lokalno djelovanje radi transformacije ekonomskih, socijalnih i finansijskih sistema kako bi se smanjio gubitak biološke raznolikosti i postavili novi temelji i vrijednosti na putu prema oporavku. Vlade i društva moraju prepoznati troškove neaktivnosti, odrediti prioritete, internalizirati vrijednost prirode i dodijeliti finansijske i druge resurse razmjerno izazovima koji su pred njima. Tek tada možemo postići zajedničku viziju „živjeti u skladu s prirodom do 2050. godine“, o kojoj su se složile svjetske vlade prije 10 godina“, rekao je Basile van Havre, kopredsjedavajući CBD-a.

„Okvirna teorija promjena nadopunjuje i podržava agendu 2030. za održivi razvoj. Ona uzima u obzir druge višestране okolišne sporazume i uključuje omogućavanje uvjeta i načina provedbe, uključujući finansijske resurse, ljudski kapacitet i tehnologiju, dobro upravljanje, razmjenu naučnih saznanja i informacija. Također se podrazumijeva da se napredak u provedbi prati na transparentan i odgovoran,, dodao je Francis Ogwal, drugi predsjedavajući CBD-a.

Rezultati pregovora drugog sastanka Radne grupe bit će uzeti u obzir treći sastanak Radne grupe koji je zakazan za Cali, Kolumbija, od 27. do 31. jula, posljednji sastanak prije COP15.